



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

36. Quemadmodum probos &c. Decretum super dubio, an Minoribus
Observantibus Sancti Francisci liceat in eorum Ecclesiis retinere Capsulas
pro eleemosynis Missarum.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

X. An possint in propria Ecclesia Mulieres post partum benedicere, & ad Purificationem admittere?

XI. An vocati possint se conferre ad benedicendam Febrem cum Reliquia S. Alberti?

XII. An vocati ad associandum Defunctorum Cadavera prius convenire debeant ad Ecclesiam Parochialem cum eorum Cruce, & deinde se conferre ad Domum Defuncti, & quatenus negative.

XIII. An ad eundem effectum sub qua Cruce, & in quo loco dicti Patres expectare debeant Parochum, & alios exequiis intervenientes?

XIV. An possint dare signum, & celebrare Missam in diebus festivis eodem tempore, antequam detur signum, & celebretur Missa Parochialis?

XV. An praepositus habeat Jus interveniendi in redditionibus rationum faciendis per Confraternitates Laicorum in Ecclesia dd. Patrum erectas?

XVI. An eisdem Patribus Carmeliticis liceat Processiones facere extra propria Claustra, seu districtum, & intra limites Parochiae, invito Parocho? Et quatenus negative.

XVII. An eisdem Patribus liceat extra propria Claustra, seu districtum per loca consuetata facere Processionem Beatae Mariae Virginis de Monte Carmelo occasione suae Festivitatis, petita tamen licentia a Parocho, licet non obtenta?

XVIII. An Patres suspensi sint reintegrandi ad audiendas Confessiones Sacramentales in casu &c.

Diebus 19. Maji, & 9. Junii 1708. Sac. Congregatio Eminentissimorum Sanctae Romanae Ecclesiae Cardinalium Concilii Tridentini Interpretum.

RESPONDIT

- Ad primum: Negative.
- Ad secundum: Negative.
- Ad tertium: Affirmative, sive per Nuncium, sive per Schedulam.
- Ad quartum: Affirmative.
- Ad quintum: Negative.
- Ad sextum: Negative.
- Ad septimum: Negative.
- Ad octavum: Possit, cum licentia tamen Parochi, & amplius non proponi mandavit.
- Ad nonum: Affirmative ad formam Constitutionis Clementis X.
- Ad decimum: Affirmative.
- Ad undecimum: Affirmative.
- Ad duodecimum, &
- Ad decimum-tertium: In casu, de quo agitur, posse convenire etiam in Ecclesia viciniori Domui Defuncti, & in Tumulatione Cadaveris sub unica Cruce Ecclesiae tumulantis.
- Ad decimum-quartum: Affirmative.
- Ad decimum-quintum: Negative.
- Ad decimum-seximum: Negative.
- Ad decimum-septimum: Affirmative.
- Ad decimum-octavum: Affirmative.

B. Card. Panciaticus Praefectus.

V. Petra Secretarius.

DECRETUM.

VI.

Super dubio, an Minoribus Observantibus Sancti Francisci liceat in eorum Ecclesiis retinere Capsulas pro elemosynis Missarum.

Quemadmodum probos decet Religiosos, cupientes hujus Ordinis Patres non minus eo-

rum Regulae puritatem custodire, praecipue circa paupertatis Votum tantoperè a Sancto Fundatore injunctum, quam Apostolicis jussis obtemperare, humillimè expetierunt hujus S. C. oraculum super declaratione emergentis casus qui est hujusmodi. Urget ex una parte novissima Constitutio san. mem. Innocentii XII. super Celebratione Missarum, quae incipit *Nuper* cum decreto *irritanti*, & clausula *sublata*, nec non cum derogatione expressa omnium Constitutionum Apostolicarum, & Statutorum Ordinum; tam Mendicantium, quam non Mendicantium, atque Consuetudinum immemorabilium, quae inter alia provida Decreta, mandat, retentionem Capsularum pro Missis celebrandis per haec verba; *Debeant ulterius Regulares praedicti, omnes, & quascunque elemosynas, tum manualium, tum perpetuarum, & temporalium Missarum reponere in Capsa particulari sub duabus Clavibus, quarum una penes Superiorem Localem, altera vero penes alium a Capitulo Conventuali deputandum retineatur, ac de eisdem elemosynis, & celebratione Missarum coram Patribus Discretis, seu Consultariis, vel alio simili modo nuncupatis, singulis mensibus districtam rationem exigere, & respectivè reddere.*

Obstare ex alia parte videntur hujusmodi Capsae retentioni bina Decreta, alterum editum in Generali Congregatione Cismontanae Familiae habitata in Conventu Araceli Anno 1615. *relatum in Tom. 3. Orb. Seraph. pag. 613.* Alterum vero per eadem verba conceptum itidem in Generali Congregatione in eodem Conventu celebrata Anno 1628. coram cl. mem. Card. Gypso a san. mem. Urbano VIII. specialiter delegato, recensitum quoque in *Tom. 4. ejusdem Orb. Seraph. pag. 11.* quod, & pariter eorumdem verborum texturam relatum reperitur post Constitutionem *Injuncti nobis* praelaudati Pontificis 49. in ordine *Bull. Tom. 4. sub dat. 14. Junii 1628.*, & publicatum die 15. ejusdem mensis, & Anni, ibi: *Capsae, vel Trunci ad recipiendas elemosynas pecuniarias, etiam pro Missis oblatas, non solum ab Ecclesia, sed etiam a Sacrificia, & a quacumque parte, quae sit intra Clausuram Conventus, omnino prohibentur sub poena inobedientiae, & excommunicationis majoris; oblatas autem elemosynas pro Missis nullo modo intra Clausuram Conventus, aut intra Ecclesiam, vel Sacrificiam ab aliquo recipi permittantur, sed ad Syndicum Apostolicum offerens remittantur; Quod si id grave illi fuerit, & voluerit Tertiario, vel Servitori Conventus tanquam Syndici substituto illam tradere, ut ad Syndicum ipsam ejus nomine deferatur, id fieri poterit, ea tamen lege, ut intra Clausuram Conventus, aut Ecclesiae, nec Tertiarius, nec Servus illam recipiat, & Guardianus, qui contrarium permiserit, privetur Officio suo. Et ibidem infra. Praeterea nullo modo habeant in eorum Ecclesiis, vel Sacrificiis, aut alibi Cippos, aut Truncos ordinatos ad offerendum, seu donantium pecunias, nec Capsulas pro elemosynis Missarum.*

Insuper obstare videntur typis traditae Constitutiones editae in Capitulo Generali celebrato in eodem Conventu Aracelitano die 29. Maji 1700. Pro Cismontana familia, 2. ad propositionem num. 1. pag. 30. ubi haec habentur: *Ad propositionem factam in Discretorio Observantium an supplicari deberet SS. ut dispensare dignetur cum Observantibus in praepo de retinenda Capsulas in Sacrificia pro recipiendis elemosynis pro Missis, prout insinuari videtur in Decretis, de Celebratione Missarum Definitorium Generale attentae dispositione Regulae nostrae cap. 4. ac Apostolicarum declarationum illius, aliorumque Pontificum Constitutionum praesertim Nicolai III. Exiit, Clem. V. Exius, Pauli III. Exponi Nobis, die 30. Maji 1536., Innocentii XI. Solicitudine Pastoralis; Innocentii XII. Alias a felici,*

1708.

nec non Decreti Sac. Congregationis Consultationibus hujus nostrae Familiae praeposita, approbante Sanctissimo, sub Dat. die 4. Junii 1628. declarat ejusmodi Capsulas statui, ac Professioni Fratrum Minorum de Observantia esse repugnantes, & proinde Fratres nostros non comprehendi sub praeepto hujusmodi de retinendis praedictis Capsulis in Sacristiis, vel suis Conventibus, & si opus fuerit supplicetur SS. pro confirmatione hujus declarationis per Officiales Familiae: Harum autem Constitutionum legalitatem impugnat modernus V. Commissarius Generalis Familiae Cisfontanae, autumans eas fuisse efformatas proprio Marte mox Defuncti P. Generalis Ordinis, circa consensum Generalis Capituli; Sed earum loco, hoc aliud exhibuit documentum. In Registro Curiae Aracelitanae factum ab Anno 1700. usque ad Annum 1704. fol. 22. num. 7. inter alia sic legitur. Circa Capsulam pro conservatione eleemosynarum pro Missis celebrandis recipiendarum in Sacristiis omnium Regularium, etiam Mendicantium cum amplissimis derogatoriis omnium in contrarium quomodolibet disponentium a Sacra Congregatione Concilii in novissimis Decretis de Celebratione Missarum observari mandatum cum circumstantiis in ea materia dispositis, Discretorium Generale optat, ut supplicetur Sanctissimo pro dispensatione Observantium ab obligatione eas Capsulas retinendi; At Discretorium Generale rogat Reverendiss. P. Generalem, ut perpensis perpendendis, mandet id fieri, & respectivè supplicari, quod sibi melius in Domino, ac Ordini utilis videbitur expedire.

Ancipites valde sunt Religiosi praefati Ordinis, utram in partem se dent super hujusmodi Capsularum retentione, exindeque in varias abierunt interpretationes, cum praepudiciali diffinitate regularis Instituti, utpote, qui Innocentianam Constitutionem servandam contendunt, Capsulas ad usum revocarunt, caeteri vero, qui supra relatis Ordinis statutis conmittuntur, eadem abjecerunt; Propterea praenominatus V. Commissarius Generalis ad restituendam in hac parte debitam Regulæ uniformitatem, reverenter expetit ab EE. VV. declarationem, an sui Religiosi observantes Regulæ D. Francisci comprehendantur sub primodicta Constitutione Innocentiana de Capsulis retinendis pro Missis celebrandis.

Eminentissimus Ordinis Protector informare desuper requisitus praallegatas dispositiones librando, non dubitat hosce Fratres Minores Observantes comprehendi sub d. Constitutione Innocentiana, eo quod illa specificè de Regularibus Mendicantibus loquatur, atque praememorata Religiosis Statuta ex adverso recensita non obviare, subdit. attenda speciali eorundem derogatione in eadem Innocentiana contenta, quin, & ulterius Eminentiss. Relator allegando Indultum san. mem. Gregorii XIII. permittentis usum hujusmodi Capsularum in Sacristiis dd. Fratrum, pro aservandis eleemosynis in dies oblati, quod refertur ab Auctore Orb. Seraph. tom. 3. pag. 382. col. 2. & pag. 446. col. 1. censet nullum se se deprehendere inconveniens in earum usu quoties tamen retineantur cum cautela, in locis non publicis, ne in apparentia offendatur paupertas, sed aserventur Claves, apud Syndicum Apostolicum, & Superiorem localem respectivè, ad formam Constitutionis Innocentianae, ut latius in ejusdem relatione per manus circumferenda. His itaque expensis emergit dubium sapientissimè ab EE. VV. resolvendum.

An, & quomodo Minores Observantes valeant retinere Capsulas pro Missis celebrandis in casu &c.

Die 7. Julij 1708. Sacra Congregatio Eminentiss.

morum S. R. E. Cardinalium Concilii Tridentini Interpretum respondit negativè.

B. Card. Panciaticus Praef.

V. Petra Secr.

RESOLUTIO.

V.

Plurium dubiorum Oeconomicam administrationem Archiconfraternitatis Sancti Hieronymi Charitatis Urbis, & pia Opera, quae ibidem exercentur, respicientium.

Romana Operum Piorum.

Perlustrato per Eminentiss. Mariscottum jussu Sanctissimi Domini Nostri moderno statu omnium reddituum, & onerum Archiconfraternitatis S. Hieronymi Charitatis Urbis, non levia detecta fuerunt inconvenientia, propter quae locus iste indies deterior fieri videtur cum maximo praepudicio Operum Piorum à Fundatoribus injunctorum, quorum exercitium haecenus defuisse, & posthac planè defuturum nocetur: Ad reparandum itaque, quo fieri potest, aequiori modo id grave detrimentum, Officiales & Deputati ejusdem Loci humiliter preces eidem Sanctissimo porrexerunt ad hanc Sacram Congregationem remissas, haec media desuper suggerentes.

I. Quod cum praefata Archiconfraternitas gravata sit ingenti aere alieno pertingente summam scutorum 92201. 48. ex eo proveniente, quod effectus, & reditus a piis Benefactoribus relicti erogati olim fuerint, & annuatim erogentur in aliis Operibus, quam ab eisdem Benefactoribus praescriptis, itaut anno quolibet Exitus Introitum superet in scutis 3140. 15. Ac vice versa cum eadem Archiconfraternitas possideat Capitale liberum ad omni onere scutor. 41887. 94. ideoque supplicarunt pro facultate convertendi, & applicandi hoc Capitale liberum in extinctionem praememorati debiti.

II. Admissa hujusmodi petita applicatione, cum nulli alii superint dicto Loco Pio reditus pro solvendis annuis scutis 459. quae requiruntur pro mercede Ministrorum incumbentium administrationi reddituum, idcirco exorarunt pro facultate detrahendi singulis annis ex proventibus cujuscumque hereditatis, donationis, & legati ratam partem proportionabiliter usque ad constandam dictam summam annuorum scut. 459.

III. Cum haecenus rationes omnium reddituum tam liberorum, quam oneribus obnoxiorum extiterint sub confuso, ita ut aliquatenus defurum fuerit ab adimplemento Operum Piorum à Testatoribus praescriptorum, quin & ulterius plus expensum fuerit in adimplendis aliquibus oneribus, quam essent reditus assignati, & vice versa detractum aliis oneribus, quorum reditus illis correspondebant, licet revera non alias, quam in piis & charitativis operibus proventus expensi fuerint: Cumque modò ex rerum involuero, & temporis antiquitate praedicti excessus, & defectus liquidari nequeant, ac nimis ardua dignoscatur singulorum ad singula reintegratio quinimò adhuc omnibus liquidatis nulla quidem compensatio sequi potest ex notoria Archiconfraternitatis inopia, ideoque attenda eorum bona fide Oratores supplicant pro sanatione gestorum in praeteritum, eorumque approbatione.

IV. Ad evitanda in posterum similia adurda, rogant insuper pro reductione onerum Mis-

farum,